



宛陵先生集目錄卷第七

汝州後詩

夏日晚霽

求叔寄澄心堂紙

聞尹師魯赴涇幙

夏日陪彭學士登城

王殿丞求釣竿

詠蜘蛛

宋著作寄鳳茶

觀水

大火後城中作

和李君讀余著孫子

新齊登周王城

答李晉卿結交篇

冬日屬疾

田家

苦雨

聞永叔復館寄賀

九月一日

弔李膺辭

送考都監赴武當

重送

田家語

檢覆葉縣魯山田

卧羊山

汝墳貧女

昆陽城

老牛陂

雙鳧觀

葉公廟

悲已卯歲謝紫微

觀投鬼

燈花

魯山山行

游元紫芝琴堂

至香山寺報秀叔

寒草

送崔秀才

思遠寄師厚

送師厚歸南陽

疲馬

和永叔冬夕聯句

古塚

仲春同師直雪中

和師直雪中馬上

和師直早春

和師直晚步

暮春過洪氏小園

雷秘校入闕擬官

登許昌城

孫主簿惠墨跡

寄永興夏太尉

垣妬妻

目錄終

宛陵先生集卷第七

宋宛陵梅堯臣聖俞著

夏日晚霽與崔子登周襄故城

雨脚收不盡斜陽半古城獨攜幽客步閑閱老
農耕寶氣無人發陰蟲入夜鳴余非避喧者坐
愛遠風清

永叔寄澄心堂紙二幅

昨朝人自東郡來古紙兩軸緘滕開滑如春冰
密如蠶把玩驚喜心徘徊蜀牋脆蠹不禁久刻

楮薄慢還可哈書言寄去當寶惜慎勿亂與人
翦裁江南李氏有國日百金不許市一枚澄心
堂中唯此物靜几鋪寫無塵埃當時國破何所
有帑藏空竭生莓苔但存圖書及此紙輦大都
府非珍瓊于今已踰六十載弃置大屋墻角堆
幅狹不堪作詔命聊備麤使供鸞臺鸞臺天官
或好事持歸祕惜何嫌猜君今轉遺重增愧無
君筆札無君才心煩收拾乏匱積日畏捲裂防
嬰孩不忍揮毫徒有思依依還起子山哀

聞尹師魯赴涇州幙

胡騎犯邊來漢兵皆死戰昨聞衛將軍賢俊多
所薦知君慮不淺未對未央殿天子喜有言輶
車因召見籌畫當冕旒袍魚賜銀茜曰臣豈身
謀而邀陛下睠青衫出二嶠白馬如飛電關山
冒風露兒女泣霜霰軍客壯士多劔藝匹夫術
賈誼非俗儒慎無輕寡變

夏日陪提刑彭學士登周襄王故城

聊隨漢使者一上周王城片雨北郊晦殘陽西

嶺明野禽呼自別香草問無名誰復忝離詠但
興箕穎情

王殿丞赴莫州日就余求釣竿數莖以
往今因其使回戲贈

去日覓釣竿定能垂釣否若不暇釣魚釣竿當
去取

詠蜘蛛

日結一尺網知吐幾尺絲百蟲爲爾食九腹常
苦饑

宋著作寄鳳茶

春雷未出地南土物尚凍呼譟助發生萌穎強
抽莢團爲蒼玉璧隱起雙飛鳳獨應近臣頒豈
得常寮共顧茲實賤貧何以叨贈貢石碾破微
綠山泉貯寒洞味餘喉舌甘色薄牛馬漣陸氏
經不經周公夢不夢雲脚俗所珍鳥嘴誇仍衆
常常盪盃甌草草盈罌甕寧知有奇品圭角百
金中祕惜誰可邀虛齋對禽哢

觀水 并序

庚辰秋七月汝水暴至溢岸親率縣徒以土塞
郭門居者知其勢危皆結菴于木末徬徨愁嘆
故作是詩

秋水漫長堤郊原上下迷孤城閉板築高樹見
巢棲耳馱蛙聲極漚生雨點齊渚間牛不辨誰
爲掃陰霓

大水後城中壞廬舍千餘作詩自咎

不如無道國而水月城郭豈敢問天災但斬爲
政惡湍迴萬瓦裂槎向千林閣獨此懷百憂思

歸卧雲壑

依韻和李君讀余注孫子

我世本儒術所談聖人篇聖篇闢乎道信謂天
地根衆賢發蘊奧授業稱專門傳箋與注解璨
璨今猶存始欲沿其學陳跡不可言唯餘兵家
說自昔罕所論因暇聊發篋故讀尚可溫將爲
文者備豈必握武賁終資仁義師焉愧道德藩
揮毫試析理已馱前輩繁信有一日長可壓千
載竟未涉勿言淺尋流方見源廟謀盛夔尚正

議滅烏孫吾徒誠合進尚念有親尊

新霽登周王城

行行古城頭歷覽古城下水鳥傍人煙河流隔
桑柘秋山豁晴翠野老親時稼民訟今已稀閑
登馱官舍

依韻答李晉卿結交篇

上交執正道下交守奇節當爲蘭死香勿作竹
枯裂試看溫玉堅何似春冰折貴賤事乃見古
今情不別平生相與親晏歲誰可決君能持此

意足以表風烈

秋日屬疾

體羸易生疾况乃凌秋陰微寒薄膚腠飲藥增
衣衾一日失所治百骸將不任當從華氏學聊
欲爲戲禽

田家

高樹蔭柴扉青苔照落暉荷鋤山月上尋徑野
煙微老叟扶童望羸牛帶犢歸燈前飯何有白
薤露中肥

苦雨

秋空幾旬雨四海低鵬翮晝不見日精夜不見
月魄灑盡天漢流蒸爛女媧石塗潦將埋輪牛
馬困負軛羣蟲無土蟄百果就枝坼安能誅陰
虬坐使天地闢

聞求叔復館因以寄賀

東方有鎩禽已喜羽翰插重來金馬門莫忘黃
牛峽黃牛無冬春遠水生鱗甲今非昔日憂賀
酒特新壓

九月一日

去歲南陽與謝公別今謝已沒

授衣念徂節闔棺傷故人故人昔送我把酒湍
水濱只道後期易豈知無會因死生意不及欲
語鼻先辛旣乏羨門術安得如松筠寒暑更數
十應亦同埃塵

弔李膺辭

陰蜺橫天長劔欲抉匣穎未露兮精鋼已折層
冰塞川猛炬方烈凝氣未銷兮高焰已滅雖忠
毅之有志兮當衰運之閉結嗟身禍之不免兮

甘就死於縲紲何賢者之景慕今或自表而謝
絕惟荀公之獲御今見顏間之氣悅奚服媚之
若茲今蓋操秉乎峻節風裁獨高而罕接兮號
龍門而無凡轍允簡亢不容於時兮玉雖碎而
猶潔痛漢綱之頽圯兮又何毀乎賢哲歷千古
而可悲兮故余不得而面結叨此邦而長民兮
過舊隴而增咽嗟異代之有遇兮若登履乎闔
闐對風樹之蕭蕭兮想冤氣之未竭聊感槩於
斯今寫憂心之惓惓

送李康伯赴武當都監

城下漢江流滄波照鬢秋山川包楚塞風物似
荊州試聽清砧發何如畫角愁遙知絕戎事水
味有槎頭

重送

得朋如得寶何恨相知晚舊友貴來踈嗟君行
復遠秋城隔寒水驛路入蒼巘古情深不深所
祝加餐飯

田家語

庚辰詔書凡民三丁籍一立校與長號弓箭手
用備不虞主司欲以多媚上急責郡吏郡吏畏
不敢辨遂以屬縣令互搜民口雖老幼不得免
上下愁怨天雨淫淫豈助 聖上撫育之意耶
因錄田家之言次爲文以俟採詩者云

誰道田家樂春稅秋未足里胥扣我門日夕苦
煎促盛夏流潦多白水高於屋水旣害我菽蝗
又食我粟前月詔書來生齒復板錄三丁籍一
壯惡使操弓鞫州符今又嚴老吏持鞭扑搜索

稚與艾唯存跛無目田間敢怨嗟父子各悲哭
南畝焉可事買箭賣牛犢愁氣變久雨鎬缶空
無粥盲跛不能耕死亡在遲速我聞誠所慙徒
爾叨君祿却詠歸去來刈薪向深谷

檢覆葉縣魯山田李晉卿餞於首山寺

留別

我本山水鄉看山常不足自從到官來塵事便
拘束嘗聞此山寺法宇深雲木無由一來過夢
想向巖谷按田趨隣疆跨馬涉平陸良友送我

行偶與賞心屬禪庭鳴白雞祖席歌黃鵠野氣
逼人寒嵐光添酒綠言離非遠離但愛交情篤
重游應有期君亦行車促

卧羊山

亂石若羣羊緣崗卧斜日曾非左慈化更想初
平叱無羶穴蟻去有乳寒泉出誰憶灞陵原纍
纍冢傍質

汝墳貧女

時再點弓手老幼俱集大雨甚寒道死者百餘人自壤河

至昆陽老牛
坡僵尸相繼

汝墳貧家女行哭音悽愴自言有老父孤獨無
丁壯郡吏來何暴縣官不敢抗督遣勿稽留龍
鍾去攜杖勤勤囑四隣幸願相依傍適聞閭里
歸問訊疑猶強果然寒雨中僵死壤河上弱質
無以託橫尸無以葬生女不如男雖存何所當
拊膺呼蒼天生死將柰向

昆陽城

試看昆陽下白骨猶啣鏃莫願隍水頭更添新
鬼哭

老牛陂

吳牛行欲老漢馬焉得肥筋力不可恃遊子當
念歸

雙鳧觀

山下溪流照城郭幽庭栢子風自落古壇蒼蘚
少人行不見雙鳧見黃雀

葉公廟

貢物還見驚從來人所悼今看古壁畫應合當
時好

已卯歲紫微謝公赴南陽過葉縣陪遊
興慶精舍題名壁間而去庚辰歲余來
按田因訪舊跡盡然于懷故作此謠以
志其悲

昔與南陽太守行車騎休時訪庭栢今來重看
壁間題太守已爲泉下客獨留清血是門人悵
悵便令生死隔

觀扱兔

莽莽蒿萊下紛紛狡兔迷枯枝坐守者若箇是

忘歸

燈花

灼灼生寒燼終朝照席明從教占有驗燃滅本無情

魯山山行

適與野情愜千山高復低好峰隨處改幽徑獨行迷霜落熊升樹林空鹿飲溪人家在何許雲外一聲雞

游元紫芝琴堂

訪古歷荒城城孤落日鳴人琴兩不見破月高臺傾

至香山寺報秀叔

家近心還遠川長馬易疲望山孤寺出渡水夕陽遲來向林間宿歸湏月上時只應庭際鵲已報汝先知

寒草

寒草纔變枯陳根已含綠始知天地仁誰道風霜酷

送崔秀才

晨風無定巢遠寄鷦鷯枝天寒鼓翼健粒食寧
所窺大澤多羣羽翱翔各有時今子振衣去焉
能久迤羈

少年遊太學着盡篋中衣獨劔自為伴無家何
處歸秋蓬隨野轉寒鵲遶林飛霄漢有知己行
行寧久微

思遠寄師厚

馬蹄踐霜雪不畏道路寒游子重衣裘慈母懸

心肝懸心幾千里冉冉歲已殘大河今漸涸遠
日常不乾度鴈朝夕聞尺書寄亦難願同車輪
復勿比弦上丸

送師厚歸南陽會天大風遂宿高陽山

寺明日同至姜店

往日送子春風前春風酣酣杏正妍今來送歸
秋風後秋風撼撼沙滿川馬鬣斜傾毛瑟縮馭
吏噤唵足後先弊裘吹裂寒入骨枯株磨戛火
欲燃忽逢古寺出巖腹與君下馬相留連殿堂

高下就山勢松栢森聳侵雲巔長廊落葉卷若
掃丈室垂幔翻如褰像塑神母乳九子抱攜撫
玩皆可憐却令遠客自生念欲見幼稚心煩煎
擁爐對坐日昏黑龕燈共借僧榻眠雖然覆衣
冷如鐵不及在家貧無氈曲肱難寐要天曉兩
股凍痺仍筋攣根根殘夜木魚響起看昂畢傾
西躔怒號斗息東方白童僕整肅吾將還老僧
掃壁持筆硯請予強此題歲年出門並轡至山
店茅屋揭盡餘尺椽又據胡床一談笑君不解

飲聊開筵程次都無五百里篋中可乏一囊錢
拂衣頻起畏日曷應恐慈母心懸懸顧我便當
江海去却思此地何由緣

疲馬

疲馬不畏鞭暮途知幾千當須量馬力始得君
馬全

依韻和末叔子履冬夕小齋聯句見寄
遙知夜相過對語冷無火險辭聞尖竒凍地抽
筭筭吟成欲寄誰談極唯思我學術窮後先文

字少許可敢將蠹測海有似脂出輒必餓嘗見
憂此病各又果弊駕當還都重門不須鑠到時
春怡怡萬柳枝娜娜定應人折贈只恐絮已墮
行橐且不貧明珠藏百顆未叔嘗見嘲謂自古
詩人率多寒餓顛困
屈原行吟於澤畔蘇武啣雪於海上杜甫凍餒
於耒陽李白窮溺於宣城孟郊盧仝栖栖道路
以子之才必類數子今二君又自
爲此態而反有飯顆之誚何耶

古塚

南陽道中作此以下汝州
罷官再至鄧州葬希深

南陽古原上荒塚若魚鱗劍佩不爲土衣冠應
化塵枯骸託魑魅細草沒麒麟何必問名氏漢

家多近親

仲春同師直至壠山雪中宿穰亭

與子乘羸馬夜投山家宿風雪滿綈裘燈火深
竹屋烹雞賴主人吠犬憎倦僕明發到巖前春
萋凍雲木

依韻和師直仲春雪中馬上

自倚春風暖輕袍犯雪來過塘迷綠水拂樹雜
芳梅山蔽峰難辨樵通徑易開野行方有味緩
轡不須催

和師直早春雪後五壠道中作

來尋谷口春正值陰雲結日暮冰霰繁宿亭孤
飯設侵晨登壠去始見羣峰列草凍未抽心松
枯猶抱節川傍認飛鷺林上墜殘雪何意待芳
菲遲留未堪折

依韻和師直晚步徧覽五壠川

窮覽川原勝經行未厭頻樵深但聞斧谷暖自
留春臨水何妨坐看雲忽滯人誰家煙塢裏竹
樹遠相隣

暮春過洪氏汝曲小園

三月花已休閑來羨叢薄河回地勢偏雨入灘
聲惡綠草旋抽心青梅猶帶萼主人歸未歸誰
省曾遊樂

雷祕校入闕擬官時將登舟過輦下

與君先後發同走向京華羨躍青驪去將乘烏
榜賒着鞭辭宿雨渡水踏春沙聞道求為縣應
當學種花

登許昌城望西湖

試望許西偏湖光浸曉煙岸痕添宿雨草色際
平田夏木陰猶薄朱荷出未圓人閑綠波靜幽
鷺插頭眠

孫主簿惠上黨寺壁胡霈然書墨迹一

匣

上黨佛祠何可觀開元瑞物圖高閣又有長廊
古壁上復是名輩題丹雘當時泥用絲作筋意
欲千載無剝落書竒畫妙了不識訛傳墨土能
治平聲瘡寺僧不惜人搯取筆畫遂缺如鳥啄後

來好事恐磨滅寶刀裁刻泥如剝取之龕置綠
板匣便寶箱楮同美璞拂拭還看體勢生盤屈
蒼虬舞鸞鷲在昔不畏屋壁壞今也常恐兒童
撲夫君知我心所重南歸贈以致誠慙此時雖
喜落吾手老大腕硬無由學但當拜賦不敢忘
莫爲報言曾未數

寄永興招討夏太尉代人

寶元元年西夏叛天子命將臨戎行二年孟春
果來寇高奴城下皆氏羗五原偏師急赴敵晝

夜不息趨戰場馬煩人怠當勁虜雖持利器安
得強二師覆敗乃自取豈是廊廟謀不臧朝廷
又選益經略三幙賢俊務所長或取李悝備邊
策或欲五道出朔方仲夏科民挾弓矢季冬括
驢賫道糧官軍未進復犯塞塞旗殺將何倡狂
遂令士卒愈沮氣欲使乘障膽不張我願助畫
跡且遠側身西望空淒涼庶幾一言可裨益臨
風欲寄鳥翼翔所宜畜銳保城壁轉饋先在通
行商守而勿追彼自困境上未免小敝攘譬如

蚊虻嗜膚體實於肌血無大傷此言雖小可喻
遠幸公采用不我忘誠知公慮若裴度聖上聽
用同憲皇當時豈不歷歲月猶且衆鎮未陸梁
况今鷹犬乏雄勇便擬馳騁徒蒼惶且緩須時
勵犀卒終期拉朽功莫當

桓妬妻

昔聞桓司馬娶妾貌甚都其妻南郡主悍妬誰
與俱持刀擁羣婢逕往將必屠妾時在窻前解
鬟臨鏡梳鬢髮雲垂地瑩姿冰照壺妾初見主

來縮髻下庭隅歛手語出處國破家已殂無心
來至此豈願奉君娛今日苟見殺雖死生不殊
主乃擲刃前抱持一長吁曰我見猶憐何況是
老奴盛怒反爲喜哀矜非始圖嫉忌尚服美傷
哉今亦無

宛陵先生集卷第七

宛陵先生集目錄卷第八

汝州後詩

夏日晚登許昌湖

許昌晚晴

故原戰

故原戰卒死復蘇

西湖閑望

寄謝師直

感二鳥

古相思

舟次寄故人

送曇穎往廬山

弔石曼卿

醉中留別末叔子履

汴水斗減寄彥國

陪遊女郎臺寺

望僊亭

陪遊莊生臺

淮上雜詩六首

赴雪任君有詩

宋諫議遺白鷺

金山寺

瓜洲對雪

金山二僧攜茗至

淮南遇梵才上人

送櫟陽朱宰

和長吉上人相遇

歲日旅泊

寄題梵才安隱堂

農難

舟中值雨

題刁經臣山居

和訓裴君見過

甘露寺

和刁經臣有感

春日舟中對雪

和達觀禪師見寄

和刁太博新墅十題

發陶莊

發丹陽後寄徐元與

湖州後詩

胡武平遺牡丹

題滕學士書堂

送劉成伯還都

送舍弟赴都

訪報本簡長老

答祝秘校見寄

目錄終

宛陵先生集卷第八

宋宛陵梅堯臣聖俞著

夏日晚晴登許昌西湖

新晴萬柳齊鶯度水東西城上明殘照雲間挂
斷霓煙蒲勻若翦沙岸淨無泥菓壓繁枝重人
乘小駟低嵐光開翡翠湖色浸玻璃只欠朱藤
密如過罨畫谿

許昌晚晴陪從過西湖因詠謝希深蘋
風詩愴然有懷

疎雲漏斜照殘雨葉間明飛蓋城頭去澄湖水
正平荷盛鮫客淚蔓濯野人纓公獨思康樂臨
流誦句清

故原戰

落日探兵至黃塵鈔騎多邀勳輕赴敵轉戰背
長河大將中流矢殘兵空負戈散亡歸不得掩
抑泣山阿

故原有戰卒死而復蘇來說當時事

縱橫尸暴積萬殞少全生飲雨活胡地脫身歸
漢城野糴穿廢竈妖鵬嘯空營侵骨劔瘡在無
人爲不驚

西湖閑望

夏景已多趣湖邊日更佳園葵雜紅紫岸柳自
歌斜雨氣收林表城陰接水涯愛閑輸白鳥盡
日立汀沙

寄謝師直

憶同仲春月冒雨過穰亭聊酌山酒別獨吟夜
燈青明朝上嶺路羣岫張雲屏忽入川谷秀固

非平生經綠竹間紅萼紫藤垂千局春塘水決
決野老髮星星田父相與至里言尚可聽始聞
丹砂岑遂識五壠形傍瞻禹湯迹競信廟貌靈
邀我陟巉巖宿霧方冥冥暗霑衣裘濕時襲草
木馨棟宇敞絕頂牲酒列幽亭竹杯占禍福巫
錦醉一嘯日晏別雲外月出至近垌僕夫疲不
進鞭策無暫停我馬忽顛墜君心同鵲鴿再駕
體無傷扣關燭已熒自茲期莫逆未契心所銘
怱怱搯行袂汎汎如水萍今來各一方安得同

醉醒

感二鳥

雄雌雙好鳥託棲空樹中有蛇出傍穴噴毒氣
如虹半夜此驚飛瞥目隨西東有喙不能達啼
雲復嘯風迴翔隔歲月老木高童童眼生衆禽
噪雖近未由通昨朝煙雨晦並翼向幽叢鷹鷂
尚橫集颺颺意無窮

古相思

劈竹兩分張情知無合理織作雙紋篔依然淚

花紫淚花雖復合疑岫幾千里欲識舜娥悲無窮似湘水

舟次朱家曲寄許下故人

藹藹桑柘岸喧喧雞犬村晚雲連雨黑秋水帶沙渾稍聽隣船語初分異土言雖嗟遠朋友日喜近田園

送曇穎上人往廬山

潯陽幾千里無不見爐峰蒼翠入衆目巖壑少行蹤高僧忽獨往杳杳懷遠公嘗聞虎溪上醉令或來同而今競邀致幾里聞松風塵心古難洗瀑布垂秋虹

弔石曼卿

前時京師來對馬嘗相揖埃塵正滿衢笑語曾未及雖然恨莫親往往聞風什星斗交垂光昭昭不可挹獨哦秋露中豈顧衣裘濕酒盃輕字宙天馬難羈繫今朝我還都但見交朋泣借問泣者誰曼卿竟已蟄堂堂豪傑姿遂爾一棺戢君生寒月明君沒寒月入月入還復升精鬼寧

未集孤墳細草遍翠碣嗟新立

醉中留別永叔子履

新霜未落汴水淺輕舸惟恐東下遲遶城假得
老病馬一步一跛令人疲到君官舍欲取別君
惜我去頻增嗜便步髯奴呼子履又令開席羅
酒卮逡巡陳子果亦至共坐小室聊伸眉烹雞
庖兔下筯美盤實釘餽粟與梨蕭蕭細雨作寒
色耿耿盡醉安可辭門前有客莫許報我方劇
飲冠幘歆文章或論到淵奧輕重曾不遺毫釐

間以辨謔每絕倒豈顧明日無晨炊六街禁夜
猶未去童僕竊訝吾儕癡談兵究弊又何益萬
口不謂儒者知酒酣耳熱試發泄二子尚乃驚
我爲露才揚已古來惡卷舌噤口南方馳江湖
秋老鰕鱸熟歸奉甘旨誠其宜但願音塵寄鳥
翼慎勿却効兒女悲

汴水斗減舟不能進因寄彥國舍人

朝落幾寸水暮長幾寸沙深灘鼇背出淺浪龍
鱗斜秋風忽又惡越舫嗟初閣坐想掖垣人猶

如在寥廓

陪淮南轉運魏兵部遊潁州女郎臺寺
舊傳媯氏女將適楚人時築館自臨水故臺空
此基因爲楚宮媵來與使車期樓上望湖上煙
林晚蔽虧

望僊亭 并序

壽春望僊亭廣平宋公所作也宛陵梅堯臣之
官吳興道出其下公命賦之

公來有餘樂所樂爲郡間訟稀聊自適靜勝以
紆顏清軒開曉幔歷歷見淮山山色洗新雨佳
氣如可攀代異雞犬去時平草木閑試望天衢
近飛駕應此還

陪淮南轉運魏兵部遊濠上莊生臺

周當戰國時何爲守靜正干戈旣日尋仁義固
不競天下皆跼徒寧知聖爲聖是將萬物齊不
顧千金聘所以忘形骸所以保性命安能小仲
尼豈不識世病我從魏公來訪古停烏榜聊識
賢者心吁嗟一長詠

淮上雜詩六首

宿雲未全歛微雨入船踈問伴失前後暝行隨
疾徐相親沙上鴈自樂水中魚亭午日光透遠
分林際居

暗開淮水平遠見孤城出出舟問舟子遽對舸
能悉始聞莊生臺還想觀魚日果得真隱心魚
鳥情非密

輕舟晚投處聒聒渚禽嘶椽子隨薪束蔬科帶
土攜岸幽雲滿石潮落蚌生泥客思無慘極唯

將魯酒迷

野鴈不知數翳然川上鳴曾無設羅意空自見
船驚渺渺拍波去紛紛孤嶼盈苦寒非塞外霜
落夜淮清

漠漠晝煙披縱橫見漁艇輕橈上急水或與飛
鴻並魚大釣絲微牽隨碧潭迥向晚得志歸浩
謔山月靜

舟閣下灘遲蒼黃暮灘上偏愁逆水風更駕崩
沙浪落日看已昏漁燈遠相向夜闌天轉寒坐

待潮流漲

赴雪任君有詩相送仍懷舊賞因次其韻

湖山饒邃處曾省牧之遊鴈落葑田闊船過菱渚秋野煙昏古寺波影動危樓到日尋題墨猶應舊壁留

過揚州叅政宋諫議遺白鷺

曾遊鳳池上曾食鳳池萍乞與江湖去將期養素翎不同王逸少辛苦寫黃庭

金山寺 并序

昔嘗聞謝紫微言金山之勝峰壑攢水上秀拔殊衆山環以臺殿高下隨勢向使善工摸畫不能盡其美初恨未遊赴官吳興船次瓜洲值海汐冬落孤港未通獨行江際始見故所聞金山者與謝公之說無異也因借小舟以往乃陟廻閣上上方歷絕頂以問山阿危亭曲軒窮極山水之趣一草一木雖未萼發而或青或凋皆森植可愛東小峰謂之鶻山有海鶻雄雌棲其上

每歲生雛羽翮旣成與之縱飛迷而後返有年
矣惡禽猛鷲不敢來茲以搏魚鳥其亦不取近
山之物以爲食可義也夫薄暮返舟寺僧乞詩
強爲之句以應其請偶然而來不得髣髴敢與
前賢名迹耶

吳客獨來後楚橈歸夕暝山形無地接寺界與
波分巢鷓寧窺物馴鷗自作羣老僧忘歲月石
上看江雲

瓜洲對雪欲再遊金山寺家人以風波

相止

臘月海風急雪吹巖下窻輕舟不畏浪昨日過
寒江渡口復夕興區中無與雙忽牽兒女戀空
聽遠鐘撞

金山芷芝二僧攜茗見訪

一遊江山上日日吟不足雙錫忽來過衣霜帶
初旭况能持茗具向此烹新綠中瀟水若飴北
焙花如粟還將塵慮滌自愧冠纓束何以報勤
勤馳奴扣雲谷

淮南遇梵才吉上人因悼謝南陽疇昔
之遊

久已厭宦旅故茲歸江南始時遽辭邑不及事
春蠶殘臘猶在道險阻固所諳扁舟次淮海喜
遇釋子談契濶十五年尚謂卧巖庵偶見如夙
期淹留良亦甘歎遊獨泫然懷悲情豈堪班班
雲中鳥共看投夕嵐是不念舊隱山水唯素耽
我從湖上去微爵輕子男

送櫟陽宰朱表臣

塞上備胡羗關中調兵食秦民尚苦輸漢吏勤
求職君今喜懷詔馳騎寧暇息其邑嘗雨金於
時豈能得行當經灞上故事猶可憶前代多戰
爭鬼火弄陰黑蒼蒼路傍草憔悴希春色縣涂
誠有政威惠爲令德

次韻和長吉上人淮甸相遇

淮上一相遇憶在京都時雖驚歲月換未改松
桂姿童侍兩三人銚錫相與隨自言東越來篋
中多好詩文字皆妥貼業術無傾歆前輩嘗有

言清氣散人脾語妙見情性說之聊解頤始推
杼山學得非素所師此固有深趣吾心久已知
橫琴乃玄悟豈必弄鳴絲古樂衆少聽誰知彼
吹箎師曠沒世後伯牙衆身悲願同黃鵠舉遠
歸滄海涯老驥雖不病長坂安可馳天台况竒
勝日夕勞夢思尚忝齒纓綬終年趨路岐俯愧
淵中魚游泳水之湄仰羨雲間鷲凌厲辭繫維
居嘗起斯念未去情不怡今朝更道舊感愴各
頰眉同遊謝公門遠想袂霑洩惜哉胡不仁碎

彼東方琪又出數紙書手澤尚可披眷眷疇昔
意於今當語誰復遺三百言玩味自挽髭序事
盡成故慨吟良有資其詞何疊疊宛若對風規
冷然聳心目不覺整冠綉重以超俗韻顧予賤
職司是猶猿鳥情並此驚櫪卑報投仍勉強實
謬匠者爲應哂不量力短兵茲已疲

歲日旅泊家人相與爲壽

舟中逢獻歲風雨送餘寒推年增漸老永懷殊
鮮歡江邊無車馬鑑裏對衣冠孺人相慶拜共

坐列盃盤盤中多橘柚未咀齒已酸飲酒復先
醉頗覺量不寬岸梅欲破萼野水微生瀾來者
卽爲新過者故爲殘何言昨日趣乃作去年觀
時節未變易人世良可歎

寄題梵才大士台州安隱堂

巢禽託靜林潛魚戀深壑豈不能自安翔泳得
所樂達士遠紛華於茲守冲漠堂前鳴松風堂
後馥花萼好鳥時一呼澄明望寥廓詩興猶不
忘禪心詎云著所以得自然寧必萬緣縛未能
與之游懷慕徒有作

農難

稂莠非所殖嘉禾共一田老農實惡之豈共時
稼捐管蔡與盜跖同氣詎能遷周公不妨聖柳
惠不妨賢賢哉彼疇矣取舍得其然

舟中值雨裴刁二君相與見過

江上滄淒淒天形接野低岸痕生舊水馬跡踏
春泥風急侵衣重山昏卷幔迷誰驚二客論不
愧巨源妻

題刁經臣山居時已應辟西幙

向不樂郡府遂云歸田園結廬復種蕪草樹日
已繁散帙理舊學了然無俗喧春雨一迴過覽
耕登古原青山每自愛霽色當衡門故人苟來
徃名宦未嘗言趣適已不淺道心良亦存忽聞
辟書至便令驅犢轅豈期同瓠瓜長繫蒿萊根
始知古君子出處惟義敦

前者裴君雨中見過因以詩謝復承來
章輒依韻奉和

主人門下客寂寞在江浹我昨謝銅章解組猶
脫屣前日至朱方正值春雨起君時冒雨來曾
不避泥滓林枝滴衣襟沙岸平履齒相歡了無
間偶論通遠旨去逢交親問爲報心如水

甘露寺

曾非遠城郭寂爾隔囂氛尚有南朝樹能留北
固雲川濤觀海若霜磬入江濱衛國丹青在孤
堂綠桂薰

依韻和刁經臣讀李衛公平泉山居詩

碑有感

當時植珍木豈是昧前規廢宅長春草故山存
舊碑已嗟良璧毀安識古松姿叔子每懷慕此
心空自知

春日舟中對雪寄刁經臣

誰道江南暖新春見雪飛鷗來親客艇花亂上
人衣古郡地偏寂野窻寒入微戴家人不遠欲
去未能歸

依韻和達觀禪師春日雪中見寄

密霰來新歲春陽氣漸微侵庭草茅凍紛雜鴈
行飛江寺誰開逕湖山我欲歸雨花無六出休
怪着人衣

和刁太博新墅十題

靜舍

野木扶疎重復重塘蒲涵水綠茸茸琴書尤古
得爲樂休問前山有戴顓

西齋

靜節歸來自結廬稚川閑去亦多書請君架上

添芸草莫遣中間有蠹魚

北軒

冬日迎暄此未宜苦吟那對朔風時
祇誇砌下留殘雪不看簷間斗柄垂

叢杉

植幹森然美在庭更憐相倚自青青
翠姿且有千雲勢豈是孤生向遠坳

松阜

勾引風聲已可聽高陰仍更接崗形
知君久欲

平心氣早晚根傍長茯苓

小舫

小舫閑撐莫厭遲比於剗艇劣相宜
漕河有處通陂水深入荷花人不知

移竹

遠愛檀欒碧逕開荷鋤乘雨破秋苔
直須探作阮家趣更向煙林缺處栽

花塢

雜芳春發淺深叢曲塢透迤紫間紅
色賤格微

應不數少添蘭菊待秋風

綿櫓

翠色凌寒豈易衰柔條堪結更葳蕤松身栢葉
能相似勁拔緣何不自持

新井

淺淺清泉自鑑開鱗鱗寒甃未生苔山中亭午
野禽渴不畏人驚欲下來

發陶莊却寄刁經臣裴如晦

方看梅柳春共別川河上移舟人已歸迴首竹
林望水渾不照影山遠猶相向聞道欲西遊漢
家今尚壯

發丹陽後寄徐元與

別君忽五年相望非一日會合如夢寐欣喜對
形質是時春已仲臨水柳未密載酒相與遊輕
舸劣容膝禪扃竹下過乳井松間出烹茶覺暫
醒岸幘情彌逸興闌乘月歸及旦解行綵離懷
更宿醒遠想都如失

湖州後詩

胡武平遺牡丹一盤

疇昔居洛陽看盡名園花
臨水復蔭竹艷色照
彤霞良友相與至競飲歡無涯
而今猶老翁髮
髮但未華昨日到湖上
碧水涵蒲芽此情頗已
愜薄宦非初嗟况乃蒙見憐
帶雨摘春葩雖無
向時樂惠好仍有加

題滕學士九華山書堂

處山方畏淺曾慕結深廬
要與雲峰近寧將野
客疎澗苗來入俎林
鳥或窺書何事輕茲樂而

從出塞車

公今爲涇洲

送劉成伯還都

余昔困川途今非羨行者
離心寄南風相送過
平野旣吹蓮葉舟更逐桂條馬
中州多故人懷
抱幸君寫

送舍弟正臣赴都

吳兒能刺舟其駛劇飛鳥
行行固莫留望進前
山小家貧吾不憂身計爾自了
何當還里門拜
慶期秋杪

訪報本簡長老

比泛茗溪來初逢下山雨雨收精舍出喜與高僧語門臨水若鑑萬象皆可覩清淨欲誰隣野蓮無處所

依韻答淮南祝秘校初春見寄

客有袖中書初憑春鷺寄春鷺不時來秋鴻今始至水落蒲藻寒悠悠江浦意

宛陵先生集卷第八

宛陵先生集目錄卷第九

湖州後詩

和胡武平懷京下 和武平望太湖

和武平憶玉晨觀 凝碧堂

送劉著作弋陽宰 冬雷

送成伯遺建旌 冬日送暹上人

和宋待制九題 和說上人見訪

雪中訪烏程李宰 送劉比部

贈月上人彈琴 陪武平遊西余

和武平茗雪二水 和武平昇下二山

送崔主簿赴青溪 和劉比部留別

送潘供奉承勛 答新長老詩編

題劉道士奉真亭 和烏程李著作四首

送簽判張秘丞 送弟和州幕

寄題徐都官假山 送吉上人歸天台

次答公度 留題可及明心堂

陪武平游卞峰亭 送張舍人

劉彝秀才歸江南 送胡武平

廻陳郎中詩集 和武平別後見寄

蘄州廣濟劉主簿 和僧夏日閑居

和李宰秋思 送儲令赴樂昌

隱真亭 說上人遊廬山

和元之述夢 答恭上人

和守賢晚秋書事

目錄終

宛陵先生集卷第九

宋宛陵梅堯臣聖俞著

依韻和胡武平懷京下游好

南國易悲愁西風起高樹枯荷復送雨度鴈寧
知數欲問北來音繫書復若故冥飛杳無跡弋
者徒有慕况在白蘋洲而懷石渠署石渠多故
人鷓鴣方騫翥鏘鳴尚可希絳翼何由附主人
賴知己未變疇昔顧乘桴豈仲尼好勇非季路
幸依南郡帳不學邯鄲步自守終日愚都忘向

時慮睠戀此江湖親年當喜懼既獲庭闈近又
多山水趣邇來對明月千里猶會晤長橋人絕
聲舉酒逢秋露迥聞孤舟笛煙水在何處俯檻
意無涯跳波魚夜乳頗得真隱情奚須慕巢許
思寄梅枝香遠隔蘭溪渡緘之付好風精爽亦
隨去

依韻和武平九月十五日夜北樓望太
湖

東吳臨海若看月上青冥河漢微分練星辰淡
布螢細煙沈遠水重露裊空庭孤坐饒清興惟
將影對形

依韻武平憶玉晨觀

世路多氛垢人間浪逐名是非還自喻寵辱固
堪驚薄宦真何戀丹砂儻可成終尋谷口隱鄭
子豈其卿

凝碧堂

始至荷芰生田田湖上密復當花競時艷色凌
朝日今來蓮已枯碧水墮秋實更待雪中過羣

林言 卷九
峰應互出樽有綠蟻醅俎有頽壺橘可以持蟹
螯逍遙此居室

送劉成伯著作赴弋陽宰

我昨之官來值君爲郡掾當年已知名是日纔
識面未久嗟還都始應羣公薦遂除芸省郎出
治江上縣縣劇素所聞其俗到可見水精製盤
盂去冰瑩產郊甸鳴箏斲桐梓雕飾雜寶絢有
藥化銅鈿方士多伏鍊君今齒尚壯好學常不
倦二者定非惑吾言亦狂狷絃歌將有餘幸可
窮經傳歸來期著書篋楮盈百卷莫學此踈慵
無能守貧賤明朝君當行勉勉自出餞豈無一
壺酒豈無一鼎饌

冬雷

上帝設號令隱其南山下震發固有時曷常事
憑怒春以動舍生夏以奮風雨冬其息不用藏
在黃厚土我今來江南歲曆惟建午如何小雪
前向曉疑鳴釜蛟虵龜蟲厄鱗裂口塊吐蝦蟆
不食月深窟僵兩股天公豈物欺若此汨時序

或言非天公實乃陰怪主嘗觀古祠畫牛首推
連鼓黑雲雜狂飈相與爲肺腑是不由昊穹安
能順寒暑吾因考厥事復以驗莽鹵市井欺量
衡定知不活汝元惡逆大倫弗加霹靂斧此豈
曰無私故予未所取必恐竊天威似將文法侮
焉顧五行錯詎畏萬物覩欲扣九門陳恨身無
鳥羽

劉成伯遺建州小片的乳茶十枚因以
爲答

玉斧裁雲片形如阿井膠春谿闢新色寒籜見
重包價劣黃金敵名將紫笋拋桓公不知味空
問楚人茅

冬日送暹上人

霜風刮地如刀鎌鳥不遠飛魚已潛何況削髮
冷入骨草屨不畏冰雪霑綠山涉水去幾里晝
鉢野飯誰來添毗陵舊寺苦欲到索我贈行無
义淹

和壽州宋待制九題

熙熙閣

初日照城樓
流暉及菌閣
上收花霧紅
下見春煙薄
信羨是殊邦
而淹佐時略
自慙江外人
敢慕淮南作

春暉亭

卉木日已發
中圃日已嘉
歡言樂和景
及此鬢未華
春風實無幾
凌亂枝上花
山陰况暮月
俯仰誠可嗟

白蓮堂

蟋蟀在秋堂
芙蓉出深水
浩露同一色
澄澈寒鑑裏
佳人耻施朱
欲與天真比
沙鳥閑且都
誰將擬公子

式宴亭

從事誰獨賢
而來均宴喜
幽禽雜嘯呼
珍木竟叢倚
興將物色俱
閑馱簫鼓美
寧同不聞問
訟息時遊此

秋香亭

高軒盛叢菊
可以泛綠罇
餘甘自同齋
忘憂寧

用萱有木皆剥實何草不陳根獨此冒霜艷芬
郁滿中園

狎鷗亭

羣生自知機不可欺以異此雖鷗與馴鷗亦魚
所避坐熊臨碧水安得同一致然此海客心還
應無有愧

齊雲亭

城隅結危棟髣髴凌煙霓平觀飛雨來俯窺巢
禽棲浩蕩孤思發羃歷蔓草齊長安去不遠何

言西北迷

美蔭亭

野材仍翦茅當此茂林下晴暉葉上明翠影盃
中瀉鮮風時颭颭輕裾自蕭灑固殊穉生鍛曷
慕巖栖者

望僊亭

嘗聞淮南王雞犬從此去至今山頭石馬跡尚
有處使君辭從官終日絕塵慮望望雲漢間想
見賓天馭

依韻和僧說上人見訪

客從東國來山雲猶在屨是時正窮臘鴈落溪
陰暮投宿古城隅雪迷松下路衣楮足蘭荃相
過寧猷屢

立春前一日雪中訪烏程宰李君俞尋

有詩見貺依韻和答

粉絮先春拂面翔臨風躍馬到君堂縣民將喜
土膏起令尹未驚農事忙疾呼小吏具山酌便
欲盡醉爲詩狂我牽塵俗不得久何意更煩投

夜光

送劉比部

青山夜來雨溪水已潺湲侵曉桂旗動傷離蘋
渚前百壺臨祖道兩槳破春煙舊業西河上歸
心向日邊

贈月上人彈琴

人閑溪上橫剝木素琴寒倚一枝玉吳王城畔
鑱深房月下空彈孤鴈曲

冬日陪胡武平遊西余精舍

侵晨霜氣嚴溪口水已合鳥榜將進遲寒篙旋
摧拉遙看松竹深雪屋藏山衲登臨興都盡薄
暮泂清雪

依韻和武平茗雪二水

昔愛伊與洛今逢茗與雪南郭復西城曉色明
於甲塵纓庶可濯白鳥誰來狎落日潭上歸魚
訝自相答

依韻和武平昇卞二山

北峰壓城蒼南岫綠溪綠誰知昔人遊尚想叢
桂馥鳥獸安可羣呼鳴自爲族儻聞羨門術一
躡塵外躅

送崔主簿赴睦州清溪

舟輕不畏險逆上子陵灘七里峽天翠千重雲
木寒古祠鳴野鳥亂石激春湍正與高懷愜寧
歌行路難

依韻和劉比部留別

春雲已泊簾濃淡半晴天沙草微抽綠林枝遠
帶煙况茲逢晚景那更送歸船苦酒聊爲酌無

勞辨聖賢

送潘供奉承勛

與君迹熟情已親欲將行邁聊感人舉酒不能
効時俗半醉苦語資立身長大實好帶刀劔曷
不往助清邊塵門戟雖高豈自有當思乃祖爲
功臣所宜勇躍發竒策嘉名定體庶得真儻以
斯言作狂說乘肥食脆任青春

答新長老詩編

江東釋子多能詩窻前樹下如蟬嘶朝風暮月

只自老建安舊體誰攀躋唯師獨慕陶彭澤竒
蹟仍收王會稽嘗示余右軍書一軸此焉趣尚已不淺更
在措意摩雲霓

題劉道士奉真亭

降真沈水生爐煙扣齒曉漱華池泉心存崑閬
未可到夜瞻北斗何聯聯顧茲虛室如有遲一
草一石幽且妍芝蓋雲輶杳無至不知誰更似
楊權

依韻和烏程李著作四首

縣署西園

春入西園何苦誇我曾狂醉洛城花如今老大
都無興獨坐晴軒看落霞

雪上二首

共愛雪溪風物美春來清可鑑鬚眉蘋生楚客
將歸日花暖吳蠶始浴時臨水竹樓通市陌跨
橋雲屋接川湄畫船載酒期君醉已是無謀助
翦夷

靚粧艷服遊川上簫鼓聲中俗自歡寄語春風
休用惡恐教潭水起波瀾

早春遊南園

東國春歸早南園百卉宜萱芽開翠穎杏萼破
煙姿青穠將鳴雉喬林未嘯鸚石尤風莫起芳
物畏君吹

送簽判張秘丞赴秀州

江鷺歸時君亦歸鷺巢未暖君還去去去溪邊
楊柳多正值清明欲飛絮競折贈行何所益時
當長養傷嘉樹不如舉酒對青山酒罷移舟須

薄暮嘉禾主人余久知跡冗不擬強攀附儻或
無忘問姓名爲言懶拙皆如故

送弟赴和州幕

夾河爲郡不如古江北江南作冗官須記長傳
一經訓雖貧莫改飲瓢歡歷陽况與吾廬近春
穀休言問膳難此日停舟聊舉酌明當水驛自
加餐

寄題徐都官新居假山

太湖萬穴古山骨共結峯嵐勢不孤苔徑三層
平木末河流一道接墻隅已知谷口多花藥祗
欠林間落狄鼯誰侍巾鞞此遊樂里中遺老肯
相呼

送梵才吉上人歸天台

頃余遊鞏洛值子入天台當時羣卿士共羨出
氛埃荏苒踰一紀却向人間來問子何爲爾言
興般若臺雖將發愚闇般若安在哉此教久已
熾增海非一盃我言亦爍火豈使萬木灰蓋欲
守中道焉能力損裁子勿疑我言遂以爲嫌猜

忽聞攜錫杖思向石橋迴城霞與琪樹璨璨助
詩才嘉辭徧人口幸足息巖隈

公度以余嘗語洛中花品而此邦之人
多不敢言花於余今又風雨經時花期
遂過作詩以見貽故次其韻

去年三月來吳中欲擬看花無與從今年二月
花偏早發作無節雨與風前時清明要尋賞謂
夸洛陽多不容我心豈是限南北美好未必須
深紅姚黃魏品若盡有春色定應天下空因君
見贈又及此莫怪還思澗水東

留題可及明心堂

秭雉已先嗥卉木萼漸歇俯檻弄條枚因心悟
生滅上人本高胄季父踐清列而能馱紛華樂
彼方外說

陪武平游雅上人房卞峯亭

晚愛池上清羣峰對簷隙常恐雲氣生坐令蒼
翠隔復繞曲塘陰映實孤花拆誰知禪者居來
伴使君適

送張舍人自安吉移宰桐安

遠辭湖上山徒沿海邊
邑機杼吳俗饒魚蝦
越人給操琴在更張
殊土宜順襲何以贈
勤勤薄言茲所及

劉彝秀才歸江南

鳳鳥不在茲麒麟寧受韉
君思此二物中夜忽興歎
况值南風來襲蘭歸楚岸

送胡武平

來見江南昏使君
詠汀蘋再看蘋葉老汀畔
送歸人人歸多慕戀
遺惠在茲民始時繞郊郭
水不通蹄輪公來作新塘
直抵吳松垠新塘建輿
梁濟越脫輶仁言度新塘
去隨跡如魚鱗從今新塘
樹便與蔽芾均我雖備僚
屬筆舌敢妄陳因行錄所
美願與國風振

迴陳郎中詩集

嘗觀陳伯玉感遇三十篇
矯矯追古道粲爾日星懸
今公豈其後佳詠久已傳
憶爲童子日早誦錦繡妍
茲來預官屬而許玩竒編
明珠三百

非一一徑寸圓他人握中有未獲毫髮焉家貧
敢懷寶况近驪龍淵又畏風雨作神物不得全
再拜捧明月長跪還席前

依韻和武平別後見寄

溪遠檣危一望遙此焉悽絕府中僚已同鴈鴛
依清淺共看鸞皇上次寥別岸無端縈細柳迴
舟不忍過新橋醉來事事能生感誰道愁腸酒
易銷

蘄州廣濟劉主簿

相識雖非久相親似舊年論文君豈後尚齒我
慙先慣狎吳兒水將浮楚客船安知不離恨高
柳正鳴蟬

依韻和僧說夏日閑居見寄

城郭非清涼山僧抱微疾又况三伏時當茲一
禪室炎颯正爍爍溪水徒瑟瑟唯詠冰雪辭可
以銷夏日

依韻和李宰秋思

一葉與風舞已知天地情將令百菓實競振羣

蟲聲陶令欲收秫
幽人思誓觥
更吟君麗句
誰爲寫鍾評

送儲令赴韶州樂昌

嘗聞韶石下
虞舜古祠深
至樂久已寂
况持陶令琴
炎方不道遠
一去值秋霖

隱真亭 烏程史尉署

作尉慕吾祖
吾祖非得時
誰似芙蓉國
日見芙蓉披
涼雨隨風來
清香入酒卮
自得真隱趣
不慙吳市爲

談上人遊廬山

夙懷高世趣
固足林壑情
欲遊名山徧
遂爲廬岳行
又訪遠公蹟
東林氣象清
瀑布秋影落
香爐曉煙生
洗蕩萬古慮
薰蒸千載名
我今滯孤宦
空羨瓶錫輕

和元之述夢見寄

高秋枕席涼
晝寢還清曠
不嘲君腹便
獨夢予爾訪
豈忘相規言
仍記羣小謗
始知端正心
寐語尚不誑
愾况何讒人
告子亦孟浪
吾聞有尸

抄言
卷九
蟲伺惡多相尚耽睡受其惑子心恐成恙勉子
守庾曹勿使茲物王覓交昧聰明寤後成清唱
誦玩自省循徒爾增怙悵不能檢細微遂使言
屢貺雖然甚頑鄙內顧無過當仲尼稱天厭季
路猶行行何當謝勤誠爲子傾嘉釀

秋日卧疾恭上人來過不及見因以詩

答

溪上秋霧多溪居曉寒入呼吸遂生痾嘔泄不
下粒素知江南地大率皆卑濕久從吳土居氣
候非所襲伏枕欲經旬冠帶沾已澁女奚特扣
關問疾提山笠我非金粟身寄謝何暇揖屈性
茲不能他時冀來及

依韻和守賢上人晚秋書事

秋霧鬱不開矇矓夾溪樹深枝尚宿禽寒葉時
驚露我居溪之陰早景誠所慕開谿吐初陽獨
吟神與晤豈意方袍人而懷此焉趣忽枉瓊玖
章無慙惠休句

宛陵先生集卷第九

宛陵先生集目錄卷第十

湖州後詩

剡縣臧主簿

余令之會稽新昌

傳神悅躬上人

文曜師之南徐

芝上人歸姑蘇

唐寺丞知南雄

和孫朱二公見寄

謝尉西歸

陳浩赴福州幕

示沈生

和潘叔治遊何山

張法曹歸闕

送張叔展北歸

和叔治晚見梅花

僧院枕流軒

惱儂

相逢

檣烏

過華亭

月暈

逢謝師直

廻自青龍呈師直

青龍海上觀潮

社前

水次羈縲

葉大卿挽詞

寒食陪南園

牡丹

惜春三首

花娘歌

程山人歸飲

重過南園

送滕監簿歸寧

寄題千步院

早夏陪登疊嶂樓

得孫仲方畫美人

涂次寄羅道濟

和潘叔治六鶴圖

啄食

顧步

啖天

舞風

警露

理毛

留題潘氏假山

觀居寧畫草蟲

和穎上人南徐十詠

邵伯堰下

悼亡三首

淚

秋日舟中有感

書哀

目錄終

宛陵先生集卷第十

宋宛陵梅堯臣聖俞著

臧子文剡縣主簿

剡水無淺深歷歷能見底
潛鱗莫見窺塵紱聊堪洗
古木潭上陰遺祠巖下啓
應識道傍碑因風奠醪醴

余令之會稽新昌

越舸將渡西陵時臘雪欲作陰雲垂古岸潮迴
夜冰閣冰上鯉魚紅尾鬣知君奉親聊自得窮

冬涉險仍熙熙縣民但可觀此意休羨江邊孝
女碑

傳神悅躬上人

握中一寸毫寶匣百鍊金鑑貌不鑑道寫形寧
寫心古人固不識今人或所欽依然見其質儼
爾恨無音子誠丹青妙巧奪造化深妍媸必盡
得幻妄恐交侵

文曜師之南徐

班班上川羽薄暮未安巢擾擾方外士歲晏遊
遠郊正值風霜急晚冰隨處敲何時居巖下都
把塵事拋

茂芝上人歸姑蘇

身衣竺乾服手接犧氏琴繁聲不願奏古意一
何深晏景託孤艇倦飛還舊林闔閭城下寺幾
里認鍾音

唐寺丞知南雄州

前林尚舍凍南國使君行逆水春風峭孤舟桂
席輕踏謔聞舊俗信鬼有頽談當識朱衣貴壺

棊擁道迎

依韻和孫秀才朱長官見寄

二首同韻

古來富貴蹈危機樂性安貧莫謂非未及功名
蒼鬢改欲從踈懶五湖歸昔年同志逢時盡今
日相親似子稀犀僕忽辭雲海上遠持雙璧扣
吾扉

謝尉西歸

曾爲洛陽客喜見洛陽人每憶舊遊處相逢借
問頻當時伊水上醉弄巖花春而今絕茲樂欲
語已酸辛明朝君當去又復與誰親唯應有素
月相照寒溪濱

陳浩赴福州幕

梅殘杏將坼楊柳都未堪欲贈無所贈春風吹
酒酣遠山猶帶雪野水已如藍羽檄不應有詩
書自可耽

示沈生

稚子每多疾始與藥物親由茲沈生跡遂歷吾
門頻我居無鳥鼠乃知屋室貧舉世競趨利爾

梅言
卷十
二〇七
非問井人

和潘叔治早春遊何山

泛泛寒溪流縈紆向山去
淺石長蒲茸朝煙暖
巖樹捨舟當禪扉踏蘚污
野屨誰愛鮑參軍登
臨多秀句

張法曹歸闕

海底日未上屋頭羣雀喧
晨興溪館迥坐聽櫓
聲煩出戶望行舸羨心如野猿
暮春余亦去爲
見故人言

送張叔展北歸

江南春候早水暖野芹生
北客欲歸日故人持
贈行莫嫌爲物薄言采幽蘭并
休惜臨流醉高
帆去棹輕

依韻和叔治晚春梅花

楚人住處將爲援越使傳時合有詩
常是臘前
混雪色却驚春半見瓊姿笛吹遠曲還多怨
風
送清香似可期我欲細看持在手誰能爲折向
南枝

梅言 卷十 僧元復院枕流軒

寺外寒流駛開軒靜者棲淺深看藻荇出沒愛
鳧鷖一悟此中趣萬緣皆可齊誰來驚節物岸
木長春莢

惱儂

期我以踏青花間儻相遇果然南陌頭翩若鸞
鴻度不語強躡蹻羞人映芳樹兩心常自憐兩
目空相注依依不得親薄暮還愁去記取似丹
葩知開在何處

相逢

晚日南城歸橋邊見郎去遠遠逐郎迴羅衣汗
微污不惜污羅衣要與郎相顧留連芳苑中肯
謝花天婢傍欄思晤言羞畏情誰諭草草各還
家幽懷是飛絮

檣烏

檣頭飛去烏夜夜啼聲碎猶不如水禽雙棲向
煙外煙外少分張渚間多翳薈休同八九子反
哺人誰愛

過華亭

晴雲嗥鶴幾千隻隔水野梅三四株欲問陸機
當日宅而今何處不荒蕪

月暈

月暈已知風燈花先作喜明日挂帆歸春湖能
幾里

逢謝師直

昔歲南陽道中別今向華亭水上逢把酒語君
悲且喜流光冉冉去無蹤

迴自青龍呈謝師直

共君相別三四年巖巖瘦骨還依然唯髭比舊
多且黑學術久已不可肩嗟余老大無所用白
髮冉冉將侵顛文章自是與時背妻餓兒啼無
一錢幸得詩書銷白日豈顧富貴摩青天而今
飲酒亦復少未及再酌腸如煎前夕與君歡且
飲飲纔數盞我已眠雞鳴犬吠似聒耳舉頭屋
室皆左旋起來整巾不稱意挂帆直走滄海邊
便欲騎鯨去萬里列缺不借霹靂鞭氣沮心衰

計欲睡夢想先到蘋渚前與君無復更留醉醉
死誰能如謫僊

青龍海上觀潮

百川倒蹙水欲立不久却迴如鼻吸老魚無守
隨上下閣向滄洲空怨泣推鱗伐肉走千艘骨
節專車無大及幾年養此膏血軀一旦翻爲漁
者給無情之水誰可憑將作尋常自輕入何時
更看弄潮兒頭戴火盆來就濕

社前

欲社先知雨將歸未見花那能長作客夜夜夢
還家

水次鬪髀

不知誰氏子枯首在沙洲肉化烏鳶腹肢殘波
浪頭曾聞南面樂寧有九原愁厚葬不爲貴漢
官其登丘

葉大卿挽詞 三首

位列名卿重年躋賜几尊臧孫宜有後定國已
高門舊族聲華遠名藩治行存秋風簫吹咽隴

梅言
卷一
三十九
隧啓雲根

自古賢才少滔滔豈足云善人安得見清譽
來聞器隕龍文鼎竟歸馬鬣墳豐碑幾當立籍
甚著遺芬

終始爲全德生榮沒亦榮里人悲畫婁郡吏拜
銘旌石馬天麟肖松枝國棟成更看追孝意捧
土作新塋

湖州寒食陪太守南園宴

寒食二月三月交紅桃破類柳染梢陰晴不定
野雲密黥黥鼓聲湖岸坳使君千騎出南園歌
吹前導後鳴鐃是時輒預車馬末傾市競觀民
業拋竹亭臨水美可愛嗑啞草木皆吐苞遊人
春服靚粧出笑踏俚歌相與嘲使君白髮體尤
健自晨及暮奏酒肴爾輩少年翻易倦倚席欠
伸誰得教公雖不責以正禮我意未容誠斗筭
逡巡秉燭各分散小人爭路何嗷嗷

牡丹

洛陽牡丹名品多自謂天下無能過及來江南

花亦好絳紫淺紅如舞娥竹陰水照增顏色春
服貼妥裁輕羅時結游朋去尋玩香吹酒面生
紅波粉英不忿付狂蝶白髮強插成悲歌明年
更開余已去風雨摧殘可柰何

惜春三首

九十日春無幾日不堪風雨競吹花舞英逐水
向何處泛泛斜溪伴晚霞

前日看花心未足狂風暴雨忽無憑此身不及
深溪水隨得殘紅出武陵

春色斗空花亦休綠園深鎖更誰遊殘枝遺萼
不中看暮雨霏霏起暗愁

花娘歌

花娘十二能歌舞籍甚聲名居樂府荏苒其間
十四年朝作行雲暮行雨格夫氣俊能動人人
能動之無幾許前歲適從江國來時因讌席相
微語雖有幽情未得傳暗結殷勤度寒暑去春
送客出東城舟中接膝已心傾自茲稍稍有期
約五月連航並釣行曲堤別浦無人處始笑鴛

鴛浪得名爾後頻逢殊嫵婉各恨從來相見晚
月下花前不暫離暫離已抵銀河遠青鳥傳音
日幾迴雞鳴歸去暮還來經秋度臘無纖失愛
極情專易得猜前時南圃尋芳卉小忿不勝投
袂起官私乘釁作威稜督促倉惶去問里蕭蕭
風雨滿長溪一舸翩然逐流水忽逢小史向城
來泣淚寄言心欲死願郎日日致青雲妾已長
甘在泥滓更悲恩意不得終世事難憑何若此
郎聞茲語痛莫深天地無窮恨無已我今爲爾
偶成章便欲緘之託雙鯉

程山人歸歙州

新安固與吾鄉鄰山水清絕殊可擬我今暫來
子亦歸空聽杜鵑雲樹裏

重過南園

誰作此園爲宴喜而今樂事已難并佳人去後
門長鎖蔓草離離上古城

送滕監簿歸寧岳陽

乃翁守西鄙胡騎敢憑凌撫士無餘貨吏以文

結繩向聞來三堂今復走巴陵
泝流幾千里雲夢苦炎蒸
風檣易陣馬猶使勇氣增
子今遠寄省寄謝余豈能
江山可留詠燕許昔嘗曾

寄題千步院兼示譔上人

郊郭山林有美處皆爲釋子
所棲託高閑不與時俗侵
寂靜豈唯魚鳥樂朝望平
田插稻苗暮看西村收雨
脚

早夏陪知府學士登疊嶂樓

高陵自可眺况復更層樓
我我衆山翠活活寒溪流
新篁未掃籜綠險已脩脩
曲道出林杪飛宇跨城頭
春餘衆芳歇子結纍蔓抽
庭空野鼠竄日暝啼禽留
誰知郡府趣適有林壑幽
主人易吾土惟襲是瀛洲
伊我去間井爾來三十秋
昔望白雲下今從輕軒游

得孫仲方畫美人一軸

駿駒少馴良美女少賢德
常聞敗君駕亦以傾人國
因觀壁間畫筆妙仍竒色
持歸非奪好來者恐爲惑

涂次寄羅道濟

去年五月君到官紅蕖正開湖水寬共酌汀洲
不知暮扣舷月露霑衣寒今年我罷欲歸去朋
酒久來無此歡移舟不忍便爲別競挈盃肴情
未闌城闌欲閉各分散溪雲暗澹生悲端明日
抱醒風雨急野蓮空看寄君難

和潘叔治題劉道士房畫薛稷六鶴圖

啄食

窮年見俛啄但有饑乏意雖存玉山禾不入丹

青喙因思方朔嘲此豈優諧類

顧步

舉足徒有勢行沙遂無蹤迴頸誠已久未知竟
何從安能見儔侶顧望自顛顛

唳天

引吭向層霄聲聞期在耳鼓吻意豈踈知音何
已矣安得九臯同流響入萬里

舞風

如逢僊圃風飄颻奮雙翅拊節余欲助和歌誰

爾類但看矯然姿固於流雪異

警露

孤標近僊壇依約聞墜露儼如舉止揚稍見神
爽悟曉月坐清軒寒添壁間素

理毛

六鶴皆不同初生薛公筆况茲刷羽者奮迅如
天質墨客懷賞心題詩仍我率

留題毗陵潘氏宅假山

人心本好靜世事方擾擾丘壑未去時庭中結
山小長欲見蒼翠何須聽猿鳥有志同尚平當
期婚嫁了

觀居寧畫草蟲

古人畫虎鵠尚類狗與鶩今看畫羽蟲形意兩
俱足行者勢若去飛者翻若逐拒者如舉臂鳴
者如動腹躍者趨其股顧者注其目乃知造物
靈未抵毫端速毗陵多畫工圖寫空盈輻寧公
實神授坐使羣輩伏草根有織意醉墨得已熟
權豪不可致節行今仍獨

和穎上人南徐十詠

鐵甕城

灑江以爲池增山以爲壁鐵甕喻其堅金城非
所敵前朝經喪亂曾是輕鋒鏑覽古一徜徉空
聽漁浦笛

北固山

山勢自北來高城倚爲固當時偶登臨邇者遂
淪誤微雲思作雨古樹嘗霑露今非恃險艱草
木藏狐兔

京口水

江頭潮正平日照土山口坐見遠來舟高帆忽
前後將隨入浦風稍度遙圻柳客無南北虞信
是承平久

金山寺

山與衆山殊寺非諸寺擬無回不當江有林皆
照水南冷隔吳會北渡通揚子還看上下帆日
日何常已

望海樓

嘗聞觀蹄泔詎識海水大浩浩與天同滔滔衆
流會平吞江作練遠瀉河如帶終日郡樓間欲
取長鯨鱠

季子廟

信如季子賢自昔知能幾依約有荒祠寂寥無
奠篚壞梁生濕菌古木憑山鬼英靈豈顧茲青
史辭壘壘

鶴林寺

松竹暗山門颼颼給青吹傳聞宋高祖舊宅爲
茲寺地以黑龍升經因白馬至何必問興亡山
川應可記

夫子篆

季札墓傍碑古稱尼父篆始泐春秋義十字固
莫淺磨敲任牧童侵剝因野蘚嗟爾後之人萬
言書不顯

甘露寺

山頭百畝宮庭下千年樹在昔甘露霏嘗疑神
物護陰連殿閣寒聲撼雷霆怒瞻影衛公堂英

魂想來去

范公橋

謂公天下才非專一方惠及此作輿梁力行無
鉅細旣異國僑爲將同傳巖濟礮石亘長川寧
湏伐山桂

邵伯堰下王君玉餞王仲儀赴渭州經

畧席上命賦

未破河西寇朝廷尚有憂淮南命儒帥塞上足
封侯莫掇黃金甲湏存百勝謀昔嘗經黠虜今

去正防秋

悼亡三首

結髮爲夫婦于今十七年相看猶不足何況是
長捐我鬢已多白此身寧久全終當與同穴未
死淚漣漣

每出身如夢逢人強意多歸來仍寂寞欲語向
誰何窻冷孤螢入宵長一鴈過世間無最苦精
爽此銷磨

從來有脩短豈敢問蒼天見盡人間婦無如美

且賢譬令愚者壽何不假其年恐此連城寶沉
埋向九泉

淚

平生眼中血日夜自涓涓瀉出愁腸苦深於浸
沸泉紅顏將洗盡白髮亦根連此恨古皆有不
須愚與賢

秋日舟中有感

天平余困甚失偶淚滂沱世事隨時遠秋風順
水多鰥魚空戀穴獨鳥未離柯歲月都無幾存
亡可柰何兒嬌從自哭婢駭不能呵已覺愁容
改休將舊鑑磨弊衣留暗垢殘藥恨沉痾斗狀
驅驅役終期老薜蘿

書哀

天旣喪我妻又復喪我子兩眼雖未枯片心將
欲死雨落入地中珠沉入海底赴海可見珠掘
地可見水唯人歸泉下萬古知己矣拊膺當問
誰憔悴鑑中鬼

宛陵先生集卷第十

宛陵先生集目錄卷第十一

湖州後詩

謁雙廟

和末叔晉祠詩

書謝師厚至

新冬傷逝

蘇子美竹軒

寄題涵虛閣

送李通判處州

送弟赴官江南

得李殿丞端硯

詠蘇子美千葉菊

送趙升卿之韶幕

偶書寄子美

送蕭秘校

古劍篇送蔡君謨

雜興

送逐客王勝之

送周太博之鉅野

鄴中行

大慶殿雪中

答忠上人攜古硯

讀後漢列傳

異同

蔡仲謀遺鯽魚

雜擬

答上中人卷

送蘇子美

聞李殿丞訪別

刁景純留饌膾

寄致仕李國博

同師厚宿胥氏

聞子美登天清塔

謝師厚歸南陽

夜坐有懷

永叔贈酒

得山雨

范通判秦州

陳繹越州從事

辛著作知西京永寧

和師厚別後寄

普淨佛閣孤鶻

蜂

並遊

寄宣州真上人

元夕同賦

正月十五夜出廻

同次道遊相國寺

送惠懃上人

聞賣韭黃蓼甲

董著作為叅謀

戲寄師厚生女

梅詩 卷十一 目錄終 二百五

薛中舍宰聞喜 聯句附

希深聯句 希深據鞍聯句

同希深馬上口占 玉麈尾

風琴聯句 冬夕會飲聯句

問答

目錄終

宛陵先生集卷第十一

宋宛陵梅堯臣聖俞著

謁雙廟

八月過宋都泊舟雙廟側未懷此忠良遺烈傳
碑刻五位儼朝裾千年同血食當時多苟生貴
爵曾誰識縱今有丘墳都已荒荆棘古人非輕
死於義實罕得英骨化埃塵令名同鳥翼飛翔
出後世景慕無終極豈若目前榮未沒聲已息
西登孝王城王氣由邦國

每詩 卷十一 一

送弟禹臣赴官江南

昔與子同歸夜向瓜洲泊持杯月正清
湍水平如削爾來蘆岸深湏防虎潛搏
行行無朋友遇事自斟酌

和未叔晉祠詩

并州古來稱近胡山雄氣壯民足儲
山根晉水發源處平若皎鑑潛決䟽
漸流漸急不可測以至漉漉鳴清渠
豈惟俯可見毛髮况乃了了看龜魚
下漑平田幾百頃稻苗秔稷會不枯
興亡

莫問隨水遠廟深草樹空扶踈伊君
持節過其下愛此佳趣聊停車北望
故城無舊物決漭野色連丘墟已向
風前聽好鳥只畏落日聞蒼狐晉人
湏識漢使美冉冉青髯似綠蒲

得李殿丞端州硯

蛟龍所窟處其石美且堅蠻匠斲爲
硯漢官求費錢持歸向都邑爭乞如
瓦磚豈識萬里險謀竊好事傳

書謝師厚至

爾來哭爾姑清淚滴塵几一聞在目言不謂今
則死而猶意遠行所念當至止秋風忽助噉萬
木欲摧毀

詠蘇子美庭中千葉菊樹子

生與衆草生不與衆草榮彼皆春爭葩茲獨秋
吐英千葉共一萼白蒂共一莖幽亭聳扶踈獨
本非搢撐吾友蘇子美有酒對自傾香隨青陵
蝶色映黃金鷺昨日偶來過頗興陶令情豈敢
復言詩君家有子卿

新冬傷逝呈李殿丞

惡老今逼衰孤寂仍足悲寒風一夜起曩事無
不思手澤在故物默歷非故時夢寐猶平常反
寤恨莫追人生苦情累安得木石爲賴有同舍
郎相語強解頤

送趙升卿之韶幕

舟車歷盡險風物乃還君俎肉應多味虞韶不
復聞林鳴異音鳥山冒欲晴雲若弔張丞相空
祠舊近墳

蘇子美竹軒和王勝之

庭無十步廣有竹纔百箇子時哦其間賓友或
來和琴壺置于傍圖籍亦在左誰憐脩脩影只
畏寒日過誰憐青青枝下有暗葉墮我期霰雪
時來聽幽聲卧應當爲設榻勿使賞心剝持以
報主人此興不可破

偶書寄蘇子美

君詩壯且竒君筆工復妙二者世共寶一得亦
難料我今或盈軸體逸思益峭有如秋空鷹氣
壓城雀鷁又如飲巨鍾一舉不能酌旣酌心已
醉顛倒視兩曜吾交有永叔勁正語多要嘗評
吾二人放檢不同調其於文字間苦硬與惡少
雖然趣尚殊握手幸相笑

寄題洪州李氏涵虛閣

耳熟滕閣美未爲豫章遊近聞東湖上可見西
山頭朝愛雲氣生暮數鳥行幽主人趣向遠登
覽日不休父兄已三人挂冠此遲留他年儻一
往風物詠可周

送蕭秘校

比從江南來又從江南去孤舟隨鴈羣晚泊定
何處霜橙可爲齏冰鱠思下筯此興吾不知薄
言聊所慕

送李殿丞通判處州

拜官將近親不畏千里險泝流上贛水石亂波
驚颭舟人素已諳曲折就迴閃豈虞失便利倚
慣憂亦掩昔余從平流悸夢尚成魘今逢子方
去青紵絲新染沙頭有堠吏惴立板方斂鴻鴈
正來翔競看朱服儼

古劍篇送蔡君謨自諫省出守福唐

生銅夜夜鳴剉鐵未嘗缺主人久提攜何事贈
離別借問豈酬恩請看鑕上血休慙補履功出
處異施設

雜興

主人有十客共食一鼎珍一客不得食覆鼎傷
衆賓雖云九客沮未足一客嗔古有弑君者羊
羹爲不均莫以天下士而比首陽人

送逐客王勝之不及遂至屠兒原

犯霜出國門送客客已去
猶意行未遠策馬過
寒戍川長不見人
沙沒前崗路始聞
雲木深忽逢朱亥
基金鎚一報恩義
烈垂竹素何須文
學爲寄語長沙傳

送周仲章太博之鉅野

仲月霜氣嚴朝來厚如雪
鴻鴈各南飛羽毛將
恐折征途履以足侵骨
寒於鐵得罪此爲輕君
恩大歡悅

鄴中行

武帝初起銅雀臺不又建閣延七子
日日臺上羣鳥饑峩峩七子宴且喜
是時閣嚴人不通雖有層梯誰可履
公幹才俊或欺事平視美人曾不起
五官福急猶且容意使忿怒如有鬼
自茲不得爲故人輸作左校濱於死
其餘數子安可存紛然射去如流矢
烏烏聲樂臺轉高各自畢逋誇彙尾
而今撫卷跡已陳唯有漳河舊流水
親郊前三日大慶殿雪中

梅詩 卷十一 二百六十六文
皇帝率羣臣發章聖五后冊

將郊先奉冊拜立未央庭天表君心孝人驚曉
雪零冕旒紛點綴劔佩濕晶熒曲蓋曾無用羣
臣敢自寧鑪煙靜齋幄并氣凍宮鉞明日來壇
下中宵已見星

忠上人攜王生古硯誇余云是定州漢
祖廟上瓦爲之因作詩以答

硯取漢廟瓦誰恤漢廟隳重古一如此吾今對
之悲旣寶若圭璧未知爲用時

讀後漢書列傳

漢家誅黨人誰與李杜死死者有范滂其母爲
之喜喜死名愈彰生榮同犬豕

異同

吾聞聖賢心不限親與疎義殊目前乖道同異
代俱堯舜及周孔千載趨一途盜跖誚孔氏弟
子將黨歟蹠自驅其衆日念殺不辜河濱捧土
人海畔逐臭夫塞川豈量力同趣卽爾徒爾旣
不自過反以此爲紆

蔡仲謀遺鯽魚十六尾余憶在襄城時
獲此魚留以遲歐陽永叔

昔嘗得圓鯽留待故人食今君遠贈之故人大
河北欲膾無庖人欲寄無鳥翼放之已不活烹
煮費薪棘

雜擬

忽聞胡騎渡河水月鬼夜脅陰貂寒獨侍金輿
立城角龍蛇不展繞旗竿

答中上人卷

吹笛皆學龍吹笙皆學鳳又於笙笛間高下不
相中得其精者稀得其麤者衆况於真出音千
歲不復夢爾爲學笙歟頗已臻妙弄

送蘇子美

勇爲江海行風波曾不懼但欲尋名山扁舟無
定處南有鵬若鷗嶮有石若鋸毒草見人搖短
狐逢影怒不遐尚苦乖更遠饒瘴霧東土乃濱
海蜃鼉仍可怖殼物怪瑣屑羸蜺固無數鹹腥
損齒牙日月復易鈇二方旣若此往矣無久駐

竟當西北來醉耐炙肥羜夏不厭漿酪冬不厭
雉兔勿言專口腹口腹人所務天台信竒偉石
橋非坦步廬岳趣最幽饑腸看瀑布此致雖爲
高實亦難久慕君行聽我言不聽到應悟

晚歸聞李殿丞訪別言已屢來不遇

蕭條一陋巷頻日見馬蹄歸來稚子告有客云
將睽始知君其南復歎我向西豈不懷念慕吾
親書新齋曰吾五男子愛惜無不齊所要立門
戶安用同犬雞齷齪守此客馴馴戀此棲二季
留左右足以共挈攜身許遠就祿幸又奉阿婆
今年還都下路喪子與妻囊罄厭外役進退類
藩羝終當改江邑儻得致音題

刁景純將之海陵與二三子送於都門

外遂宿舟中明日留饌膾

人言汴水駛柰何已冬乾蔡雖平且慢臘月行
亦難唯聽夜冰合爲君愁苦寒暫維青絲紵邀
膾白玉盤行人反飮我於理殊未安所忻能自
養不復道加餐

寄洪州致仕李國博

湖上悠然度幾春，勇拋榮祿遂天真。
青蒲翠竹圍華屋，白酒黃雞命里人。
果下有時乘小駟，兒曹方見擁朱輪。
田園歲入千鍾美，肯似疏家苦畏貧。

同謝師厚宿胥氏書齋聞鼠甚患之

燈青人已眠，饑鼠稍出穴。
掀翻盤盂響，驚聒夢寐輟。
唯愁几硯撲，又恐架書齧。
癡兒効猫鳴，此計誠已拙。

聞子美次道師厚登天清寺塔

二三君少壯，走上浮圖巔。
何爲苦思我，平步猶不前。
苟得從而登，兩股應已攣。
復想下時險，喘汗頭目旋。
不如且安坐，休用窺雲煙。

謝師厚歸南陽効阮步兵

一日復一朝，一暮復一旦。
與子相經過，少會不言散。
我心終未極，歲月忽云晏。
嘶馬思長道，孤鳥逐前伴。
駕言慕儔侶，懷抱若冰炭。
南臨白水湄，風雪振高岸。
意恐慈母念，疾馳節已換。
解劔

登北堂幼婦笑粲粲弊裘一以縫征塵一以澣
而我客大梁衣垢自悲歎

師厚明日歸南陽夜坐有懷

明朝子當去我若雲失龍龍歸雲未歸索莫將
安從半夜出戶望參畢已正中倏然變陰黑烈
烈鳴窻風窻鳴不得寐擁被一悲翁

永叔贈酒

大門多竒醞一斗市錢千貧食尚不足欲飲將
何緣豈能以口腹屈節事豪權閉戶飽於蠶作

詩湧如泉一日復一夕醒日常不眠窮臘忽可
怪雙壺故人傳呼兒欲自酌瓦盞無完全其能
饗甘脆而况侑天妍却令情懷惡分與富貴偏
收拾不復嘗排置屋角邊儻有嘉客至傾倒相
與顛何暇問濃薄但覺窻扉旋誰識我爲我賓
主各頽然始得語且橫旣醉論益堅曾不究世
務閑氣爭古先畢竟兩未決辨吻空流涎嗟我
儒者飲聒耳無管絃雖云暫歡適終久還愁煎
自甘不偶死寧慕金印懸願頻致此物勿恤瘡

檐肩

得山雨

急雨射蒼壁
濺林跳萬珠
山根水壅壑
漫竅若注壺

范殿丞通判秦州

天水出名馬
多稱黃金羈
正值羌已和
邊草復離離
乘肥固未失
所蘊不得施
主人本燕客
寧獨事書詩
志尚功名間
管樂猶一時
去去勿復道
礪落爲男兒

陳繹越州從事

母夫人老母兄
黜夫人從爾之會
稽恐傷爾心
不敢泣春崗
細雨聞竹雞
時亦藏淚未出
臉柰何相與頭
傾低誠知就祿
非獲已應欲退
耕無舊畦

辛著作知西京未寧

躍馬西畿
令家坐在洛陽
衣霜寒食
雨花發故宮
墻冷淡鳩鳴
屋寬閑水滿
塘送君悲漸
老空憶釣伊
魴

依韻和師厚別後寄

吾與爾別未及旬吾家依舊甌生塵閉門不出
將誰親自持介獨輕貨珍盤餐豈有醜酸辛苦
吟輟寢昏繼晨夜光忽怪來何頻採拾若在滄
浪垠和者彌寡唯陽春

普淨院佛閣上孤鶻

我新稅居見寺閣金碧照我破屋前目看閣上
聚鳩鴿巢棲飲哺忘窮年雕簷畫壁屎汚徧以
及像塑頭與肩寺僧不敢施彈射忽有蒼鶻張
毒拳鷗鳴鵲噪鸛鴒叫怒鶻來比窺腥羶鶻心
決烈不畏衆瞥碎一腦驚後先死鳥墮空未及
地返翅下取如風旋獨當屋脊恣捨磔啄肉披
肝腸弃捐老鷗無藝又狠怯盤飛欲近饑目穿
逡巡鶻飽自飛去爭殘不辨烏與鳶羣兒指點
路人笑我方吟憶秋江邊

蜂

春風無主撩亂時分羣養子各守脾爭掇花腴
爲蠟蜜年年共割不我稽俄逢主人若過慮畏

梅詩 卷十一 三十一
爾有蠱成噬臍密將惡物毒爾族爾曾不得同
醢雞王雖爾名爾何補造甘爲利乃自取

並遊

並出慙羸駕康衢懶著鞭蹇驢能勝馬擘道去
如煙何用嗟遲疾從來有後先所期皆一至我
到爾應還

寄宣州可真上人

昭亭山色無纖塵昭亭潭水見游鱗長松碧篠
入古寺石上高僧度幾春

元夕同次道中道平叔如晦賦詩得閑
字

金輿在閭闔簫吹滿人寰九陌行如畫千門夜
不關星通河漢上珠亂里問問誰與聯輕騎宵
長月正閑

正月十五夜出廻

不出只愁感出遊將自寬貴賤依儔匹心復殊
不歡漸老情易厭欲之意先闌却還見兒女不
語鼻辛酸去年與母出學母施朱丹今母歸下

泉垢面衣少完念爾各尚幼藏淚不忍看推燈
向壁卧肺腑百憂攢

同次道游相國寺買得翠玉罌一枚

古寺老栢下叟貨翠玉罌獸足面以立爪腹肩
而平虛能一勺容色與藍水并我獨何爲者忽
見日以驚家無半鍾畜不吝百金輕都人莫識
寶白日雙眼盲

送惠懃上人

遽告我行何所之東南爾土爾自知山水佛事

不暇說去何速兮來何爲公卿貴人見爾喜爲
爾買屋丐爾資王城幸可樂歲月野鶴終是思
陂池去去雲霞不容侶却應來此如前時

聞賣韭黃蓼甲

百物凍未活初逢賣菜人乃知糞土暖能發萌
芽春柔美已先薦陽和非不均芹根守天性樵
悴澗之濱

董著作嘗爲叅謀歸話西事

子說頗驍勇築城收漢疆提兵無百騎偷路執

生羌大將罪專輒舉軍皆感傷歸來出萬死羸
馬亦摧藏

戲寄師厚生女

生男衆所喜生女衆所醜生男走四鄰生女各
張口男大守詩書女大逐雞狗何時某氏郎堂
上拜媪叟

薛中舍宰聞喜

秦人宦于秦百事順耳目山川我已踈風物子
所熟維美行邁時親賓祖車轂空將離別心欲

出無僮僕

聯句附

古木含清吹池上增曉涼余懷本達曠謝少卿聯

此傲羲皇孤鷗可與狎絳幽岸足以觴幸有彭

澤酒堯臣便同來嘉堂潘生起爲壽維王子齊

陳章林端見新月衍草際聞寒蟬照水螢影亂

良臣拂筵蓼花香徘徊戀嘉境坐使歸興忘少卿

希深洛中冬夕道話有懷善慧大士因

探得江字韻聯句

彼有上人者妙談心所降希深達空知不二觀

行本無雙聖俞久阻飄花席因思響雪窻希深

社中雖得遠方外自非龐聖俞夢幻慙他劫風

塵馱此邦希深終期親道樹何必憶重江聖俞

希深本約遊西溪信馬不覺行過據鞍

聯句

有意訪西溪順途吟思迷及茲詢野老已恨過

芳蹊希深醉客但多興幽禽空自啼無由駐金

勒林表日光低堯臣

同希深馬上口占送九舅入京成親聯

句

之子洛中來芳罇喜暫開人誇阿連少吾愧士

衡才希深丹闕鳳皇去清川鴻鴈迴都門春色

美相送思悠哉堯臣

玉塵尾寄傳尉越石聯句

齋中獨何物持之想見君惟茲玉塵尾信美而

有文夫子善談道疊疊詞如雲在握昔同色傾

坐今離羣絳况託懷袖好曾親蕙蘭薰常許助

開放於焉探典墳既乃阻清燕復屈驅蚤蚊自
殊白團扇未畏秋葉紛堯臣

風瑟聯句

竅竹漏天風張絃擬嶧桐佳名從此得妙響未
曾窮希深夜靜危臺上人閑皎月中依依聽不
足秋露滿蘭叢聖俞

冬夕會飲聯句

與君數夜飲唯恐酒盞空今我苦欲淺堯臣語
志難此同陳編侑歡適謝景初閑謔何魁雄婢

子寒且倦

堯臣

主人哦不窮燈青屢結花

景初

煎響時鳴蟲穴鼠暗出沒

堯臣

風鴈高雍容冰

霜覆瓦屋

景初

貂狐輸貴翁孤床乏暖質

堯臣

苦語有淡工咀嚼患徭小

景初

煨炮驚殼紅落

蟾斜入竅

堯臣

遠漏微遞風醉心欺睡鬼

景初

細書刺昏瞳呿呀聞爭犬哮吼狀啼驟撥火亂

頰豆附炙雙彎弓乾果硬迸齒

堯臣

寒藟酸滿

胸枯蛤擘無肉淡脯燒可饗語必造聖賢樂已

過鼓鍾紙窻幸未曙

景初

絮被令旋縫凍痺兩

股鐵跑抓雙鬢蓬脬尿旣懶溺視虱唯欲烘器
皿足缺齧捧執無天穠兒女寒不寢堯臣僮僕

困欲曹豈無貴富徒笑此饑寒蹤丈夫固有負
道義久已充墨子不黔突齒輩且得封勉哉梅

夫子塞者終自通景初

問答送九舅席上作

金鑿落希深留贈行人湏滿酌銀餅况有宜城

醪及取春風花照灼

小屏風問希深座隔流塵素影融方牀六尺偃清

書慙無玉枕名通中

玉蟾蜍希深厠君筆硯誠有諸可愛亭亭寒月

照瑩然四座凝冰壺

金錯刀問希深連環交刃吹風毛美人贈我萬錢

貴何必翦犀誇孟勞

青雲梯問希深尺木為階行勿迷勤脩道業生羽

翼天門九襲湏攀躋

鳳于飛希深差差粹羽今逢時桐花正美喬雪

亂家庭玉樹湏來儀

宛陵先生集卷第十一

宛陵先生集目錄卷第十二

擬李益竹窻聞風 擬宋之間春日

郡閣閱書 梅花

擬張九齡詠鷺 遲雪

欲雪復晴 送蒙寺丞赴郢州

聞角 和人雪意

詠楊高品馬廐猢猻

和欲雪二首 和梅花

和十一月八日獻桃花

和梅花

再送蒙寺丞

擬王維觀獵

擬陶潛止酒

擬杜甫玉華宮

擬韋應物殘燈

和與諸君登西園亭

和小雨

擬韓吏部射詠狐

得韓持國作茅廬

和新晴

清躬詩

嘗惠山泉

糟淮白

和臘前

題臘藥

臘酒

臘脯

臘笋

和挑菜

和臘日

啄木二首

語鳩

和燕淮陽秀才

和石昌言求牡丹栽

和十二月十七日雪

建溪新茗

送詹秘校之越

謝人惠茶

和立春

和謝廷評北園

和謝廷評栽竹

和歲除日

明井

楊公懿惠糟鮓

和楊秘校得糟鮓

春雪

和謝學士雨後雪

伐桑

夢登天壇

寒食過荆山

過口得雙鰕魚

歲寒亭

澄虛閣

泗上逢黃令

和許發運游草堂寺

和許發運東園

目錄終

宛陵先生集卷第十二

宋宛陵梅堯臣聖俞著

擬李益竹牕聞風寄苗發司空曙

牕前風動竹聲碎影仍繁衝扉忽自啓出候初
迎門驚雀枝未定乳蜂窠暫翻飄飄一舉袂聊
更遲來轅

擬宋之問春日翦綵花應制

上林花未有中禁綵先成葉逐翦刀出葉從粧
粉生紅繁內人手香染侍臣纓不是將春競天

心重發榮

郡閣閱書投壺和呈相國晏公

較量人世無窮樂羅列平生未見書聊奉投壺
祭征虜休言繫劍馬相如畫樓晚去聞寒角縹
帙看來落蠹魚日獲誨言皆舊學不慙貧賤帶
經鋤

梅花

江南臘月前溪上照水野梅多少株艷薄自將
同鵠羽粉寒曾不逐蜂鬚桃根有妹猶含凍杏
樹為鄰尚帶枯楚客且休吹玉笛清香飄盡更
應無

擬張九齡詠鷺

眇眇雙來鷺長年與社違任從新曆改只向舊
巢歸來日當人語輕寒逆雨飛自親梁棟慣不
識海鷗機

遲雪

風濤太澤晚雲覆女墻低驚霰夜將集廣庭朝
復迷鶯鳴寒蔽日鴈泊凍生谿會待飄花密開

軒意外題

欲雪復晴

陰雲不成雪碧瓦有繁霜日氣生簾額冰條結
井牀飛鳥鳴自樂古木晝仍殭誰意斗晴後苦
寒勝北方

送蒙寺丞赴郢州

郢國當時唱猶傳白雪真問今非昔日和者幾
何人客自射飛鴈漁能供躍鱗芳洲墮馬處吾
祖漢名臣

聞角

一聲催客夢星斗轉西簷風卷梅花去愁從柳
塞添馬鳴霜滿鬣龍泣凍生髯高樹朝光動城
頭落海蟾

和人雪意

凍雲低垂野遠樹昏未分朝來庭竹上撼撼霰
已聞扣門有兵吏嘉命傳相君趨閣展熊席卷
幔飄爐薰桂漿貯榼美馬乳薦實蕡賓屬兩三
人從容奉評文遠稽先儒言風賦可以羣密置

筆與硯唯待雪雰雰雪旣不可待日暮人半醺
明朝獲方楮健思欲凌雲

詠楊高品馬廐猢猻

嘗聞養騏驎辟惡繫獼猴供奉新教藝將軍舊
病偷聊看綠柱杪尚想傍崖頭更祝南州使如
拳試爲求

和欲雪二首

貂裘著不暖牙帳曉初開朔氣還先及流風亦
屢催擬聞人詠絮將見使傳梅公復憂民畝龍

沙幾日來

雪欲漫天落雲初著地垂臂鷹過野健走馬上
冰遲公子多論酒騷人自詠詩都無少年意只
卧竹牕宜

梅花

已先羣木得春色不與杏花爲比紅薄薄遠香
來澗谷踈踈寒影近房櫳全枝惡折憎鄰女短
笛橫吹怨楚童墜萼誰將呵在鬢藥殘金粟上
眉蟲

和十一月八日圃人獻小桃花二絕

當時開向杏花後今日綻當梅萼前不畏雪霜
何太甚繁英如火滿枝燃

前占寒食一百六算到其時未合開丹艷已先
灰管動不由人力與栽培

和梅花

時時不甘春著力年年能占臘前芳水邊攀折
此中女馬上嗅尋何處郎山舍更清栽作援鳳
樓偏巧學成粧團枝密密都如雪野雀飛來翅

合香

再送蒙寺丞赴郢州

彎弓落飛鳥少也向幽州來作漢官屬耻爲戎
國留身輕拋馬轡地暖馱狐裘慣見顏如玉江
邊問莫愁

擬王維觀獵

晏相公坐中探賦

白草南山獵調弓發指鳴原邊黃犬去雲外阜
鷗迎近出長陵道還看小苑城聊從向來騎回
望夕陽平

擬陶潛止酒

多病願止酒不止病不已止之懼無歡雖病未
宜止且欲止人事事止不經耳次誦止足言行
當止田里田里止誰親止樂山水美旣止何所
助唯酒與止喜以言止不止未必止爲是止酒
儻不瘳枉止徒可耻止亦隨化遷不止等亦死
慎勿道止酒止酒乃君子

擬杜甫玉華宮

松深溪色古中有鼯鼠鳴廢殿不知年但與蒼

崖平鬼火出空屋未繼華燭明暗泉發虛竇似
作哀絃鳴黃金不變土玉質空令名當時從輿
輦石馬埋棘荆獨來感舊物煎懷如沸羹區區
人世間誰免此虧盈

擬韋應物殘燈

照此寒夜中欲殘紅燼尾空堂滅復明獨宿擬
山鬼

和十一月十二日與諸君登西園亭榭

懷舊書事

冬日蕭條公府清獨將諸吏上高城而今何處
異疇昔鐵墓下聞狐夜鳴

又

莎徑依然見莎葉蓮花無復有蓮花更看白水
滿城下說着當時龍骨車

和小雨

蛟龍溼白霧天外細濛濛露土曾無跡昏林似
有風卷旗妨酒舍濕翅下洲鴻稍見斜陽透西
雲一半紅

擬韓吏部射訓狐

黃昏月暗妖鳥鳴
虬然鈍質麤豪聲
憑凶自異立屋角
潛事觜吻欲我驚
豈知慣聞此醜狡
呼集鬼物夸陰獰
夕盜雞雛無畏避
曾遭彈射沉泥坑
汝今病翼未甚愈
還作舊態侵平明
陽烏瞳瞳出東海
照汝宜喪膽與精
何爲世人苦憎汝
汝常盜物資已榮
儻有弓矢勿污辱
殺此非得去惡名
養雛四三已相似
眼腦實異鸞皇生
一朝車輪翅墮地
狐鼠入穴梟黨烹

得韓持國書報新作茅廬

聞君作茅廬正在西軒西定移舊蔬圃稍改新
藥畦其高如伯鸞况亦有隱妻今方漢德盛不
必之會稽

和新晴

雲開日照戟衣寒淨掃平沙路已乾吏散庭除
少公事畦挑芽甲足春盤要聽林上鳴鳩變試
步塘陰綠水寬誰詠陳根有微綠烏蟾易失似
跳丸

責躬詩

所稟介且拙嘗耻朋比爲皎皎三十年半語曾
未欺身微德不著尚使人見疑省已當自責實
負聖相知聖相雖明察不假束蘊辭扣言已可
罪引去豈非宜

嘗惠山泉

吳楚千萬山山泉莫知數其以甘味傳幾何若
飴露大禹書不載陸生品嘗著昔唯廬谷亞久
與茶經附相襲好事人砂餅和月注持叅萬錢

鼎豈足調羹助彼哉一勺微唐突爲霖澍䟽濃
既不同物用誠有處空林癯面僧安比侯王趣
糟淮鮓
寒潭縮淺瀨空潭多鮑魚網登肥且美糟漬奉
庖厨昔聞漁父賢嘗勉楚人舖楚人懷沙死葬
腹千歲餘今茲有遺意敢共盃盤踈

和臘前

漢家戍日看看近雲景蒼茫已歲昏欲驗方書
治百藥預調飛走獵平原土人薰肉經春美宮

女藏鈎舊戲存獨把凍醪驚節物草芽微動見
庭萱

題臘藥

尚書晏相公臘日投壺輸詩七
首便以臘日所用物賦先成四

呈
首上

頽顏早覺衰乃藉藥扶持及此季冬日預脩來
歲宜鼎成無犬見蜜煉有蜂知借問月中兔長
年何所爲

臘酒

韋氏月錄云臘
日造四月成

汲井轆轤鳴寒泉碧甕盛欲爲三伏美方俟十

旬清夢憶黃公舍徒聞韋氏名熟時梅杏小獨
飲効淵明

臘脯

畋獵得封獸割鮮為暇脩易甘非愛日不敗任
經秋可用資賓豆何妨鄙薦脯考之新月錄美
脆勝庖牛

臘筍

南岡深竹養去聲下有鷓鴣鳴破臘初挑筍呂氏春秋
曰和之美竹誇新欲比瓊薦盤香更美案酒味
越之籟筍

偏清馬援當時見曾將禹貢評伏波至荔浦見

厥包橘柚疑是謂也

和挑菜十二月十二日

中圃本膏壤始覺氣候偏出土蓼甲紅近水芹
芽鮮挑以寶環刀登之饌玉筵僻遠尚令凍安
占春陽前造物非有意地勢使之然

和臘日

獵鼓逢逢奏寒冰齧齧消正憐風日暖不似雪
霜朝敢問祠黃石休從擊阜鵬楚郊梅萼未墮

麥已多苗

啄木二首

十二月十二日陪步後園所聞見

城頭啄枯楊城下啄枯桑朝啄不停味暮啄不
充腸寒風正冽冽蠹穴蟲且殭况茲園林迥剥
剥響何長

食蠹非嫌蠹聲來古木高誰將琵琶弄寫入相

思槽

語鳩

此以上三首補前投壺所輸七首

客語南方鳩啄虵掀巨石遂令山中人多竊禹

步跡誰云不可轉鳥啄猶能擲

和淮陽燕秀才

我官忝博士曾昧通經術前因辟書來亦不習

文律循舊臨學宮虎革被羊質倚席未能講占

牘聊置日朴鈍既若茲愧彼噉棗栗今者登俊

賢充詔冠庭實邦伯乃宗公惟帝舊良弼置醴

餞以行行季冬月騏驥入羈駕千里終不蹶

慙予延蔭人安得結子韉心雖羨名場才命甘

汨沒祿仕二十年屢邁龍榜揭在昔見麻衣于

今盡超越是以對盃觴謹嚴微敢忽寧唯畏後
生自恨踈節骨肴羞羅食案包核備時物里婦
或窺觀戶下紅裙出歸應願生男生男付紙筆
乃信讀書榮况卽服緼鞞長歌食苹詩聲淡異
鳴瑟

和石昌言求牡丹栽

昔年藥欄下已多香草名更移花本去聊助日
邊榮莫問西都品存吾舊友評會應包萼吐可
與魏姚并帶土歸金谷封根近玉京謫僊方醉

詠不倚錦宮城

歐陽永叔
有花品

和十二月十七日雪

窮冬勁臘已過半曉雪先春何處來豈是全資
南畝麥多應不分北枝梅庭中未許野童掃林
上唯愁狂吹催莫問兔園同賦客相如居右最
爲才

建溪新茗

南國溪陰暖先春發茗芽采從青竹籠蒸自白
雲家粟粒烹甌起龍文御餅加過茲安得比顧

渚不須誇

送詹彥迪祕校之越

夙懷山水心夢寐向東越聞爲會稽行獨此羨
明發渡江信春潮泊館食野蕨平時異梁鴻但
泛鏡湖月

謝人惠茶

山色已驚溪上雷火前那及兩旗開采芽幾日
始能就碾月一罌初寄來以酪爲奴名價重將
雲比脚味甘迴更勞誰致中濡水况復顏生不

解杯

和立春

茲日何所喜所喜物向榮縈縷作翠柳意先新
陽生塗金鏤爲勝義不首時輕增年已歎老斗
酒聊自傾

和謝仲弓廷評新理北園

園吏乘冬和荷鋤去宿莽主人因其勤築土截
荒壤移枯復窅缺剗徑就平廣東北倚高城巖
險不可上愛彼林木深便爲丘壑想更待春風

歸日探花卉長但願多置酒應得時一往

和謝仲弓廷評栽竹

移得溪邊翠來爲庭下陰惜根存舊土帶筍助
新林暗換蕭蕭葉知虛寸寸心東風莫搖撼培
壅未應深

和歲除日

一年三萬六千刻玉漏唯餘十二時去日苦多
誰會惜殘陰全少頗能知已驚顏貌徐徐改不
奈烏蟾冉冉馳萬國明朝賀新歲東風依舊入

春旗

明井 在城東南

顯晦有難必孰云幽不明深井發寒泉光若月
色盈陰陽信奇變曷用究厥情譬彼出炎火投
薪丹焰成吾人勿驚異但自汲餅鑿

楊公懿得穎人惠糟鮓分餉并遺楊叔

恬

頭尾接清淮淮魚日登網吳蕪芼莖美楚糟增
味爽云誰得嘉貺曾靡獨爲享乃知不忘義分

遺及吾黨

和楊祕校得糟鮓

食魚何必食河魴自有詩人比興長
淮浦霜鱗更腴美誰憐按酒敵庖羊

春雪

臘前望盈尺姦縮不應乞萬物及向榮而反事
凝凜與雨暗爭能不念傷彼茁雖然便消釋終
是乖氣律新陽豈憚沮暴柳未爲屈隨風勢更
巧著樹媚且密誰將背時棄乃欲逞果必摧花

自作花旋積旋已失上天施命令冬春不相匹
生物與死物其道安可壹嗚呼此飛雪何爲在
今日

和謝公儀學士正月十七日雨後復雪

本祈春雨成春雪應悞小桃先次開西漢枚生
誰復召南朝何遜自多才潑除燈火上元去挫
却勾萌六出來前此解衣爭貰酒不知爲瑞與
爲災

先是七日祈雨九日霽然至于今

伐桑

二月起蠶事伐桑人阻饑已傷持斧缺不作負
薪非聊給終朝食寧虞卒歲衣月光無隔礙直
照破荆扉

夢登天壇

夜夢登天壇壇上兩僊人來時乘白鳳去時乘
白麟我問不我語颯颯山中雨

寒食日過荆山

山郵雖禁火嶺樹自生煙嗚咽同歸櫓悲哀欲
問天泣親非泣玉流淚劇流泉春嶺橫刀膾何

心更食鮮

過口得雙鰕魚懷永叔

春風午橋上始迎歐陽公我僕跪雙鰕言得石
瀨中持歸奉慈媪欣詠殊未工是時四三友推
尚以爲雄于茲十九載存沒復西東我今淮上
去沙嶼逢釣翁因之獲二尾其色與昔同錢將
青絲繩羹芼春畦菘公乎廣陵來值我號蒼穹
何爲號蒼穹失怙哀無窮烹煎不暇餉泣血語
孤衷生平四海內有始鮮能終唯公一榮悴不

魏古人風

歲寒亭

種花邀青春種栢要晏歲乃知風露前已辨雪
霜勢時俗愛芳菲不妨鳴鯁鵠他年都門歸寧
昧始終計

澄虛閣

箇圃隔囂紛閑來衣練裙檻邊生靜意水底見
微雲斜照迴晴景幽芳襲薄薰主人多賦詠不
減沈休文

舟次泗上逢黃令因以詩送

向曉入汴尾隔河聞人聲得聲不得貌問識舊
時名泊舟忽來及袖詩多賢英言除丹徒宰暫
作七閩行東南幾千里日夕挂帆輕渡江蒔已
老未足助杯羹最知便道出先見縣人迎

依韻和許發運游泗州草堂寺之什

入寺豈緣齋阮公方詠懷心將超紫府手欲拍
洪崖雲霧波初淨塵埃鑑已揩但能傾玉醕不
假列金釵遠客歸空速千櫓密自挨醒論時事

正醉戴野巾
啣風俗通吳楚
清渾見汴淮
遙知香刹外
獨與賞心諧

依韻和許發運真州東園新成

疏鑿近東城
蕭森萬物榮
美花移舊本
黃鳥發新聲
曲閣池傍起
長橋柳外橫
河渾遠波漲
雨急斷虹明
雲與危臺接
風當廣廈清
朱鬢看自躍
翠栢種初生
香苜猶能識
山苗未得名
南峰及西嶽
常共酒盃平
宛陵先生集卷第十二

